


Mujizat Yesus



Panulis: Edward Hughes
Nang manggambar: Byron Unger; Lazarus
Alastair Paterson

Nang manyusun: E. Frischbutter; Sarah S.
Nang mangartikan: Lega Pitanatal Amiani;
Nadya Cristine Armelia br. Tumorang

Kisah 40 matan 60

M1914.org

Bible for Children, PO Box 3, Winnipeg MB R3C 2G1 Canada

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.

Tuhan tu tahu kita ni uyuh maulah hal-hal nang
buruk, nang di sambat dosa. Hukuman dosa tu maut.

Tuhan tu sayang banar dengan kita,
Inya (Tuhan) mangutus.

Pa bila pian handak babulik dari dosa-dosa pian,
padahi kaya ini dengan Tuhan: ya Tuhan, ulun percaya
Yesus tu mati sagan ulun lawan wayah ni sudah hidup
lagi. Tolong badatang ka dalam hidup ulun lawan
ampuni dosa-dosa ulun, biar ulun bisa beisi kahidupan
nang hanyar wayah ni, biar kena ulun bisa dengan Pian
salawasan. Bantui hidup ulun sagan Pian sabagai
anak Pian. Amin. Yohanes 3:16

Bacai Alkitab lawan bapander dengan
Tuhan saban hari!


Banjar

Yesus maulah banyak mujizat. Mujizat ngintu
tanda-tanda nang manunjukkan pada Yesus bujur
Anak Allah. Mujizat pamulaan tarjadi rahat pista
kawinan. Timbul parsualan. Minuman anggur kada
mayu hagan sabarataan tamu.




1

Maria, umanya Yesus, bakisah parsualan nang
tarjadi, imbah ngintu mayuruh palyan-palyan
hagan maumpati napa nang Yesus parintahakan.



2

"Hibaki tajau lawan banyul!" ujar Yesus.
"Banyu?" buhannya batakun. Inggih,
banyu nang diminta ulih Yesus.



3

Yesus manyruruh palyan hagan maambil matan tajau
nang ganal lalu mambari ka tuan nang batanggung
jawab dalam pista hagan
marasaninya. Banyu jadi
anggur. Anggur nang
nyaman. Anggur
bagus banar.




4

Buhan palyan tacangang.
Yesus mangubah banyu
jadi anggur. Allah haja
nang kawa maulah
mujizat kaya ngintu.




5

Yesus maulah mujizat-mujizat lain. Rahat
sanja, Inya lawan murid-murid-Nya manuju
ka rumah Petrus. Uma mintuhanya Petrus
rahat garing lawan panas awak.



6

Inya manjapai tangan binian nang garing. Satumat
wara inya langsung wagas. Inya bangun lawan
malayani Yesus lawan murid-murid-Nya.




7

Kayanya sabarataan panduduk
kuta bakumpul di muka rumah
pas malam ngintu.
Urang garing, buta,
tuli, bisu, lawan
lumpuh. Jua urang
dalam kuasa iblis
mandatangi Yesus.
Kawakah Inya
manulung urang
kaitu banyak?




8

Yesus, Anak Allah kawa manulung. Lawan Yesus
dasar manulung. Sabarataan urang nang datang ka
Inya ditulung-Nya. Urang nang saumur hidup
bajalan lawan tungkat kawa bajalan lawan bukah
lawan baluncat.




9

Nang lain datang,
dimana buhannya
jadi buruk rupa ulih
panyakit kusta.



10

Buhannya
babulik kaya samula
lawan jadi barasih
kaya Yesus nang
manymbuhkan
buhannya.




11

Lakian lawan binian nang dikuasai iblis badiri
di hadapan Yesus. Inya
mamarintahakan
iblis hagan
maringgalakan
urang-urang ngintu.
Iblis mamatuhi
Yesus lawan
takutan, urang
nang kada tanang
jadi tanang
lawan arai.




12

Dibalakang urang-urang, ampat urang lakian
mancuba manulung kawannya hagan ka Yesus. Tapi
buhannya kada kawa baparak. Napa nang kawa
buhannya lakuakan?



13

Maangkat urang garing naik ka atas
atap rumah, kaampat kawan nang satia
mambuka atap rumah lawan
manurunakan urang garing
ngintu. Damini inya parak
banar lawan
Yesus.



14

Yesus malihat kaampat
kawan ngintu baisi
iman. Inya baucap ka
urang garing ngintu,
"Dusa ikam sudah
diampuni. Angkat
wadah tandu
guringmu lawan
bajalanlah!"
Urang garing
ngintu badiri, wagas
lawan kuat. Yesus
manymbuhkan
urang garing.



15

Imbah ngintu, Yesus ada di dalam kalutuk lawan
murid-murid-Nya. Badai ganal
mangguyang laut. Yesus rahat
guring. Murid-murid takutan
lalu manggarak Yesus.
"Tuhan salamatakan
kita," tariak buhannya
"Kita tinggalam!"



16

"Surutlah!" Yesus mamarintah umbak, pas ngintu jua
laut jadi tanang. "Urang nang kayapakah Inya ngini?"
Murid-murid-Nya saling babisik. Angina lawan laut
manuruti parintah-Nya. Buhannya parcaya
pada Yesus Anak Allah ulih
mujizat-mujizat-Nya
manunjukkan
kamulian Tuhan.
Murid-murid-Nya
kada tahu lawan hal
ngini, tapi buhannya pacangan
malihat Yesus manampaikan
mujizat nang labih ganal
lagi rahat Inya malayani Allah
Bapa-Nya di antara manusia.



17

Mujizat Yesus

Sabuting kisah matan Firman Tuhan, Alkitab

Taulih dalam

Matius 8-9, Markus 1-2, Markus 4,
Lukas 4, Lukas 8, Yohanes 2

"Amun tabuka, firman-firmanPian mambari
pamahaman." Mazmur 119:130

18